

Regio.

Nomina.

Unde dicta.

Situs.

Imperium Ma-
iorum.Despotæ sunt
Reges.

HÆc de præcipuis Græciæ Regionib. quæ sunt in Continenti: *Morea* & *Candia* succedunt explicandæ. Prior *Peloponnesus* Ptolemæo, Straboni, Steph. Procopio ceterisque, Peninsula est, hodie *Morea*, a *Maurorum* fortasse incursionibus. Olim Appollodoro & Plinio testibus *Apia* & *Pelagias* vocata fuit. *Argos*, & postea *Argos Achaicum* nuncupatum, tradit Strabo; & *Achaia* Orosius 1. cap. 11. Item Apuleius vi Asini. *Pelopias* etiam Eustathio: & *Inachia* Stephano. *Aegialia* vocatur quoque in Eusebij Chronico. *Peloponneso* nomen est a *Pelope* homine Barbaro, qui ex Asia profectus hic regnavit. *Pelops* enim Insulam sonat, cum Insula non sit, sed Peninsula, Platani folio, ut scribit Mela, simillima, pari pene longitudine & latitudine. Eius Perimetris est quatuor M. Stadiorum, quibus Artemidorus addit cccc. Isthmo adhæret continenti, cuius Latitudo est Stadiorum xl. Angustias istas perfodere multi irritò ausu tentaverunt, quos inter Demetrius, C. Cæsar, Caligula, Nero & alij: quo instituto frustratis, murum ducere placuit, quem *Hexamilum* vocaverunt. Eum Amurathes Turca dejecit, Veneti restituerunt, Anno c10cccccl11, spatio xv dierum; sed Turcæ iterum eundem postea solo æquarunt. In hoc Isthmo Nepruni olim Templum fuit, ad quod *Ludi Isthmici* celebrati. Ceterum *Peloponnesum* ad Ortum respicit Mare Creticum: ad Occasum Ionium sive Hadriaticum: ad Septentrionem Corinthiacum habet Sinum, & Saronicum, inter quos Isthmus clauditur: ad Meridiem habet Mare Mediterraneum. Peninsula porro hæc Caput & Arx totius Græciæ est, &, ut ait Plinius, haud ulli terræ nobilitate postferenda. Ea siquidem rebus omnibus, quæ vel ad victum uberiores vel ad elegantiores vitæ cultum spectant, sua fecunditate, affluentiaque insignis est. Colles enim & planicies frugiferas habet, ac Sinibus & Portibus refertissima est, quos Promontoria multa efficiunt. *Peloponnesum* incoluere *Elij*, *Messenij*, *Achivi*, *Sicyonij*, *Corinthiaci*, *Lacones*, *Argivi*, & *Arcades*. Fuitque hæc Græciæ pars toto Orbe quondam maxime celebrata, propter *Mycenarum*, *Argivorum*, *Lacedæmoniorum*, *Sicyoniorum*, *Eliensium*, *Arcadum*, *Pyliorum* & *Messeniorum* Reipublicas, & Imperium, ex quibus multi claruerunt Principes, ut *Agamemnon*, *Menelaus*, *Ajax*, & alij. Ac loci ipsius, tum situs, tum majestas, Imperium quondam totius pene Græciæ obtinuit. At hodie tota *Peloponnesus* *Turcarum* dominio subiecta est, quemadmodum & reliqua Græcia: licet fuerit ab aliquot *Regulis* Græciæ quos *Despotas* vocant, & a *Venetis* annis superioribus gnauiter defensa. Præest autem nunc Turcæ Imperatoris nomine toti *Moreæ* *Sangiacus*, inter ceteros potentissimus, qui *Modoni* moratur, & ad mandatum *Beglerbey* totius Græciæ mille equites adducit, quos suo stipendio alit. Vocatur hic *Sangiacus* a Barbaris *morabegi*: cuius annuus in hac Provincia redditus est 1000 mill. asprorum, hoc est xi v mill. Aureorum. Vniuersam autem hanc regionem in octo Provincias fuisse divisam ex Prol. & alijs auctoribus constat, quæ sunt *Corinthia*, *Argia*, *Laconica*, *Messenia*, *Eliæ*, *Achaia*, *Sicyonia* & *Arcadia*. *Corinthia* in Isthmo sita est: nomen ei à primaria urbe quæ primum *Ephyre* dicta fuit. Eam Cicero merito